

Broj: 12-40-6-148-102 / 20  
Sarajevo, 06.04.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), te člana 18. Poslovnika o radu Federalnog štaba civilne zaštite br. 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

## **N A R E D B U**

1. Naređuje se Federalnoj upravi civilne zaštite da u roku od 48 sati osigura šatorske prostore za privremeni boravak državljana BiH koji ulaze u Bosnu i Hercegovinu na graničnim prijelazima: Orašje, Velika Kladuša/Maljevac, Bosanski Šamac, Kamensko, Gorica, Bosansko Grahovo/Strmica, Doljani, Osoje, Čepikuće, Neum I, Neum II i Ivanica. Na graničnim prijelazima Izačić i Bijača koristiće se ranije uspostavljeni šatorski prostor od strane Oružanih snaga Bosne i Hercegovine.
2. Naređuje se provođenje obaveznog zdravstvenog pregleda lica iz tačke 1. ove Naredbe.
3. Federalni sanitarni inspektor upućuje lica iz tačke 1. ove Naredbe u prostor iz tačke 1. ove Naredbe do dolaska zdravstvenog radnika.
4. Postupajući zdravstveni radnik, nakon obavljenog pregleda lica iz tačke 1. ove Naredbe predlaže mjere iz svoje nadležnosti (zdravstveni nadzor / izolacija, karantin).
5. Zadužuju se kantonalna ministarstva unutrašnjih poslova i uprave policije da osiguraju provođenje javnog reda i mira u i oko šatorskih prostora iz tačke 1. ove Naredbe.
6. Za provođenje ove naredbe odgovorni su Federalna uprava civilne zaštite, Federalna uprava za inspekcijske poslove, Federalno ministarstvo zdravstva, kantonalna ministarstva unutrašnjih poslova i uprave policije, kantonalna ministarstva zdravstva, kantonalni zavodi za javno zdravstvo i kantonalni štabovi civilne zaštite.
7. Zadužuje se Federalni operativni centar civilne zaštite da izvještava Federalni štab civilne zaštite o svim poduzetim mjerama na izvršavanju ove naredbe.